

**BOSNA I HERCEGOVINA
FEDERACIJA BIH
TUZLANSKI KANTON
OPŠTINA ŽIVINICE
JP VETERINARSKA STANICA doo ŽIVINICE**

**IZVJEŠTAJ O RADU
JP "VETERINARSKA STANICA" DOO
ŽIVINICE
ZA 2016 GODINU**

Živinice, januar 2017.godine

KADROVSKO STANJE

JP "Veterinarska stanica" doo Živinice, zapošljava 13 uposlenih radnika, od toga 5 sa VSS i 8 sa SSS.

Tokom 2016.godine za vrijeme provođenja masovnih akcija cijepljenja i dijagnostičkih ispitivanja angažovan je jednog radnika sa SSS na period od 3-6 mjeseci.

U protekloj 2016.godini rad stanice se zasnivao na slijedećem :

- preventivna cijepljenja
- dijagnostička ispitivanja zaraznih bolesti
- vještačko osjemenjivanje krava
- otkrivanje, suzbijanje i iskorjenjivanje zaraznih bolesti
- mjere DDD
- liječenje bolesnih životinja
- veterinarsko-zdravstveni nadzor
- edukacija građana i stručni savjeti
- obilježavanje i identifikacija domaćih životinja
- higijenski servis

I PREVENTIVNA CIJEPLJENJA

U protekloj godini prema predviđenim zakonskim propisima i u rokovima izvršili smo slijedeća preventivna cijepljenja domaćih životinja :

– CIJEPLJENJE GOVEDA

Protiv Antraksa odnosno "crnog prišta" u 2016.godini od strane JP "Veterinarska stanica" doo Živinice cijepljeno je 3181goveda.

Akcija je sprovedena od 07.05.-19.08.2016 .godine cijepljenje je bilo besplatno s tim da je kanton učestvovao sa 70% a općina sa 30 % sredstava.

– CIJEPLJENJE PASA

Cijepljenje pasa i mačaka protiv Bjesnila, rađeno je tokom cijele godine. Ukupan broj cijepljenih pasa u 2016.godini iznosio je oko 550, što je prema našim procjenama oko 40 % od ukupnog broja pasa. Međutim, u 2016.godini u saradnji sa načelnikom općine pokrenuli smo akciju besplatne vakcinacije i čipovanja vlasničkih pasa, pa se nadamo da će se i u narednoj godini nastaviti taj projekat subvencije našim građanima koji posjeduju pse, a sve u cilju stvaranja jedinstvene baze podataka za vlasničke pse na našoj općini.

– CIJEPLJENJE SVINJA

Cijepljenje svinja protiv svinjske kuge je rađeno od 10-26.09.2016 .godine i ukupno je cijepljeno 82 svinja raznih kategorija. Razlog smanjivanja broja cijepljenih svinja leži u činjenici da se svinjogojstvom bavi veoma mali broj poljoprivrednih proizvođača i građani kupuju svinje za klanje koje su već završile tov.

- CIJEPLJENJE OVACA

Program o suzbijanju ove bolesti za period 2009-2018 god., koji se zasniva na cijepljenju ovaca i to prve godine sve kategorije, a kasnije samo jagnjad starosti 3 mjeseca i više.

U prošloj godini vakcinisali smo 1197 jagnjadi starosti 3 i više mjeseci protiv Bruceloze.

Ujedno sa sprovođenjem navedene vakcinacije urađena je i vakcinacija ovaca protiv Antraksa ukupno 2372 ovaca.

Troškove vakcinacije ovaca protiv Bruceloze snosio je Ured za veterinarstvo BiH, a troškove za cijepljenje protiv Antraksa iz budžet Općine.

II DIJAGNOSTIČKA ISPITIVANJA

- DIJAGNOSTIČKA ISPITIVANJA KRAVA

Dijagnostička ispitivanja muznih grla na Zakonom propisane zarazne bolesti (Bruceloza, TBC), rađena su tokom cijele godine.

Program "Monitoring bruceloze i tuberkuloze" mliječnih goveda realizovan je u cijeloj BiH.

Zahvaljujući navedenom programu Monitoringa, koji se sprovodi zadnjih godina i koji je finasiran u cjelosti od strane „SIDA-e“ i entitetskih ministarstava poljoprivrede, vlasnici su oslobođeni plaćanja dijagnostičkih ispitivanja, te su učestvovali samo u participaciji bolesti "Leukoze" u iznosu od 10,00km.

JP "Veterinarska stanica" doo Živinice u 2016. godini odradila je analizu kod 2700 goveda na Brucelozu, dok je na TBC-u ispitano na 2442 grla krupne stoke.

- DIJAGNOSTIČKA ISPITIVANJA OVACA I KOZA

Dijagnostička ispitivanja ovaca na brucelozu rađena su na zahtjev vlasnika ili nakon otkrivanja zaraženih i oboljelih ljudi. U prošloj godini urađene su analize krvi kod 132 ovace i 4 koze.

Nažalost, u drugoj polovini 2016. godine našu općinu pogodila je zarazna bolest ovaca "Plavi jezik", koja nije do sada zabilježena na našoj općini. Prema našim podacima uginulo je preko 100 ovaca kod oko 30 vlasnika.

- PREGLEDI SVINJSKOG MESA NA TRIHINELOZU

Ispitivanje svinjskog mesa na parazitaru bolest «Trihinelozu» se obavlja kontinuirano svake godine, tako da je u 2016. godini ukupno je ispitano 343 uzoraka svinjskog mesa, pri čemu nismo otkrili pozitivne slučajeve na Trihinelozu.

- PREGLED PČELINJEG LEGLA - AMERIČKA KUGA

Zadnjih godina na našoj općini u saradnji sa UG "VRIJESAK" radi se uzimanje uzoraka pčelinjeg legla radi ispitivanja na Američku kugu. Tako je u 2016. godini uzeti uzorci od 61 vlasnika koji imaju oko 2456 pčelinih zajednica. U 2016. godini potvrđeno je 30 pozitivnih uzoraka pčelinjeg legla na Američku kugu. U protekle godine bolest pčelinjeg legla "Američka gnjiloća" uveliko se pojavila na našoj općini, a posljedica toga je navjerovatnija velika koncentracija nekontrolisanih pčelinje zajednice u određenim općinama i kantonima gdje se voze pčelinje zajednice na skupljanje pčelinjih proizvoda.

III VJEŠTAČKO OSJEMENJIVANJE

U protekloj 2016. godini izvršeno je 5.273 osjemenjivanja goveda. U 2016. godini smo nastavili sa realizacijom plana da jedan dio sredstava iz budžeta, a koji je namijenjen za Program mjera zdravstvene zaštite domaćih životinja izdvojimo za vještačko osjemenjivanje, kako bi se konačna cijena naše usluge smanjila za naše farmere.

IV TERAPIJA I LIJEČENJE ŽIVOTINJA

Što se tiče liječenja oboljelih životinja, u 2016. godini je urađeno više veterinarskih intervencija u odnosu na prethodnu godinu, kako na terenu tako i u ambulancama koje gravitiraju na području G. Dubravama, Šerići i D. Lukavica.

V VETERINARSKO-ZDRAVSTVENI NADZOR

U vršenju veterinarsko-zdravstvenog nadzora nad životinjama i proizvodima životinjskog porijekla angažovana su tri doktora veterinarske medicine. Na području općine egzistira nekoliko firmi čija su skladišta namirnica animalnog porijekla.

Svi ti objekti su pod veterinarsko-zdravstvenim nadzorom u smislu pregleda namirnica kod istovara, pretovara i utovara. Pored pregleda vrši se i redovna deratizacija i dezinfekcija u skladu sa pravilnicima o mjerama DDD-a.

Nažalost, na našoj općini nemamo klaonica za krupnu i sitnu stoku, kao i klaonice za perad.

VI MJERE DDD

Tokom cijele prethodne godine vršene su mjere DDD-a, u vidu dezinfekcije prevoznih sredstava i dvorišta u kojima su utvrđene zaražene životinje. Dezinfekcija i deratizacija objekata i skladišta namirnica animalnog porijekla, te dezinfekcija i asanacija terena nakon neškodljivog uklanjanja zaraženih životinja.

VII PRODAJA PILIĆA, STOČNE HRANE I VETERINARSKIH LIJEKOVA

Jedna od osnovnih djelatnosti naše ustanove je prodaja jednodnevnih tovnih pilića, tućića, ručne prodaje lijekova za upotrebu u veterinarstvu. Iz navedene djelatnosti ubiremo određena sredstva koja su svake godine manja nego prethodnih godina. Razlozi za ovakvo stanje su nelojalna konkurencija u smislu bavljenja ovom djelatnošću lica i subjekata mimo zakonskih okvira (prije svih poljoprivredne apoteke). Da bi se ovo stanje zaustavilo potrebno je veće angažovanje nadležnih općinskih i kantonalnih inspeksijskih organa.

VIII EDUKACIJA GRAĐANA I STRUČNI SAVJETI

JP "Veterinarska stanica" doo Živinice tokom čitave godine radi na edukaciji vlasnika životinja i uvijek smo bili servis našim građanima kad god su tražili našu pomoć.

IX OBILJEŽAVANJE I IDENTIFIKACIJA DOMAĆIH ŽIVOTINJA

U prošloj godini na području naše općine nastavljen je projekat označavanja goveda, ovaca, koza i svinja što je jedan od bitnih preduslova za ulazak BiH u EU.

Identifikacija životinja na našoj općini ne ide dinamikom kako nalaže Pravilnik o označavanju, ali se nadamao da će u saradnji sa inspekcijom i taj projekat u potpunosti zaživjeti na području čitave BiH.

X HIGIJENSKI SERVIS

JP "Veterinarska stanica" doo Živinice je tokom 2016. godine ispunila planirane aktivnosti iz okvira Higijenskog servisa. U sklopu navedenog projekta u toku prethodne godine izvršena je sterilizacija preko 50 psa lutilica ženskog spola, a skoro toliko i muskog spola.

Higijenski servis u sklopu Veterinarske stanice radi na principu: uhvati psa lutilicu, doveze u prostorije veterinarske stanice gdje se uradi klinički pregled, zdrav pas se sterilizira/kastrira, obilježi ušnom markicom, tretira antiparazitaranom terapijom i cijepi protiv bjesnila. Nakon čega se pas vraća na mjesto odakle je pokupljen. Ako se kliničkim pregledom utvrdi da je narušeno zdravstveno stanje psa, isti se liječi a nakon toga slijede ostale intervencije kao i na zdravom psu.

U 2016. godini u saradnji sa općinskim načelnikom pokrenuli smo projekat besplatno čipovanje i vakcinaciju vlasničkih pasa, kako bi formirali jedinstvenu bazu podataka na našoj općini.

Ovom projektom stvaranja jedinstvene baze podataka, kao i sterilizacija pasa lutilica koje se obavlja u sklopu higijenskog servisa, naša općina bi u narednom periodu mogla smanjiti populaciju pasa lutilica na svom području.

Općina Živinice treba pokušati ostvariti saradnju sa drugim općinama koje gravitiraju uz našu općinu kako bi se formiralo zajedničko prihvatilište na nivou tri općine.

Formiranjem prihvatilišta smanjili bi broj pasa lutilica u gradskoj zoni, kao i broj pasa u našim mjesnim zajednicama.

U budžetu za 2017. godinu došlo je do smanjenja stavke za Higijenski servis na 5.000,00 km.

Nažalost, sa ovim planiranjem sredstvima ne mogu se isplatiti doprinosi i plate za veterinarskog tehničara koji radi na poslovima higijeničarske službe i zbrinjavanja pasa lutilica.

- Po dolasku na mjesto direktora u februaru 2016.godine,a na osnovu knjigovodstvenog izvještaja zatekao sam potraživanja od kupaca u iznosu od 289.223,30 KM,dok su kratkoročne obaveze preduzeća bile 98.628,73 KM .

Nažalost,neke firme smo morali tužit zbog dugovanja iako su ta dugovanja poprilično zastarila.

- Potraživanja preduzeća za 2016.godinu,kao i kratkoročne obaveze prema dobavljačima dostavit ćemo u finansijskom izvještaju koji će bit dostavljen u narednom periodu.

Pored redovnih aktivnosti našeg preduzeća u 2016.godini :

- preventivna cijepljenja
- dijagnostička ispitivanja zaraznih bolesti
- vještačko osjemenjivanje krava
- otkrivanje,suzbijanje i iskorjenjivanje zaraznih bolesti
- mjere DDD
- liječenje bolesnih životinja
- veterinarsko-zdravstveni nadzor
- edukacija građana i stručni savjeti
- obilježavanje i identifikacija domaćih životinja
- higijenski servis

- JP "Veterinarska stanica" doo Živinice je u toku 2016.godine uspostavila dobru saradnju sa volonterima za zaštitu životinja na području FBiH.Volonteri su prepoznali kvalitet rada i usluga našeg preduzeća i preporučili nas za saradnju sa udruženju za zaštitu životinja Marianne's Dog Food Bank iz Danske.

Početak novembra 2016.godine imali smo posjetu članova udruženja iz Danske,koji su nam uručili vrijednu donaciju (jedan ultra zvuk i vrijednog hirurškog materijala).Ova nevladina organizacija iz Danske,obećala je pomoć našem preduzeću i u narednom periodu.

- Također,u novembru imali smo posjetu iz Fondacije Dogs Trust koja radi na području čitave BiH, (finansira besplatnu sterilizacije vlasničkih i pasa lualica),koja je zadovoljna sa našim kapacitetim u stručnom kadru i opremom koja je potrebna za hirurške intervencije.

U 2017.godini očekujemo angažman od ove nevladine organizacije koja će itekako dobro doći kako za naše preduzeće tako i za Općinu Živinice.

- Krajem 2016.godine po prvi put smo ušli u proces javnih nabavki koje smo obavezni da radimo po Zakonu o javnim nabavkama BiH(Sl.glasnik BiH 39/14).

- Polovinom 2016.godine došlo je do povećanja plata uposlenicima, koje su nažalost bile smanjenje u zadnjih godina i koje još uvijek nisu sukladne Pravilniku o radu.

- Uspostavili smo dobru saradnju sa JP "Međunarodni aerodrom" Tuzla i RMU Đurđevik u pružanju veterinarskih usluga.

- U decembru 2016.godine na adresu Veterinarske stanice pristigla je tužba bivšeg uposlenika Paprikić Nevresa,koji traži isplatu zaostalih plata koje se nisu obračunavale po pravilniku koji je bio u to vrijeme na snazi. Dotični je bio član Nadzornog odbora naše firme od 2007.godine do momenta napuštanja preduzeća i itekako je imao uticaja na rad i finansijsko poslovanje našeg preduzeća.

- JP " Veterinarska stanica "doo Živinice bez obzira na situaciju koja se dešava na terenu kako sa smanjenjem stočnog fonda,tako i konkurencijom koja je prisutna na našoj općini,s pravom mogu da kažem da možemo da ostvarujemo zavidne rezultate u svom poslovanju.

Finansiranje JP "Veterinarske stanice" doo Živinice u 2016.godini

Finansiranje svih nabrojanih preventivnih i drugih mjera zaštite zdravlja domaćih životinja, vršena su iz slijedećih izvora:

1. Ured za veterinarstvo BiH
2. Federalno ministarstvo poljoprivrede, šumarstva i vodoprivrede
3. Kantonalno ministarstvo poljoprivrede, šumarstva i vodoprivrede
4. Općina Živinice
5. Vlasnici životinja

Učešće općine Živinice u finansiranju našeg preduzeća budžetom za 2016.godinu je:

- Poticaj poljoprivrednoj i stočarskoj proizvodnji 100.000,00 km , od čega je 50% sredstava planirano za potrebe JP "Veterinarska stanica" doo Živinice
- Potrebe Higijenskog servisa u iznosu 25.000,00km

Do sada smo uz Izvještaj o radu JP "Veterinarska stanica" doo Živinice dostavljali i Izvještaj o zdravstvenom stanju životinja i rada Veterinarskih organizacija na području Tuzlanskog kantona. Međutim, ovaj izvještaj nismo dobili od strane Ministarstva poljoprivrede, vodoprivrede i šumarstva TK -a ,jer nisu ažurirali sve podatke sa terena do momenta izrade Izvještaja o radu za 2016.godinu.

Izvještaj o finansijskom poslovanju za 2016.godinu dostavit ćemo Vam u Zakonom propisanom roku. Obzirom da smo Vaš zahtjev dobili 26.01.2017.godine, a rok za dostavu 03.02.2017.godine. Finansijski izvještaj od JP "Veterinarska stanica" doo Živinice je u toku izrade i nismo uspjeli završiti konačni finansijski izvještaj u ovom kratkom periodu .

Zakon o računodstvu i reviziji FBiH i Zakon o finansijskom poslovanju iziskuje opširnije procedure odnosno radnje koje prethode izradi finansijskog izvještaja .

Redovni godišnji popisi su na vrijeme završeni, Centralna popisna komisija sačinila je svoj izvještaj i uputila na Nadzorni odbor na usvajanje.

Poslije toga slijede određena knjiženja i usklađivanja tako da će i finansijski izvještaj od JP "Veterinarska stanica " doo Živinice biti prije 28.02.2017.godine završen i odmah po izradi dostavit ćemo Općinskom vijeću i nadležnim službama Općine Živinice.

S poštovanjem !

Direktor

Dr.vet.med. Asmir Salihović
